

Vratite džamijama položaj koji im pripada

Hvala Allahu Gospodaru svjetova koji je naredio natjecanje u činjenju dobrih djela i zabranio beskorisno trošenje vremena i gubljenje života. Svjedočim da nema istinskog boga osim Allaha koji nema suparnika u gospodarstvu, obožavanju i imenima i svojstvima. I svjedočim da je Muhammed Allahov rob i Njegov poslanik. Podsticao je prisustvovanje skupovima i džematima. Neka je salavat i selam na njega, njegovu porodicu i ashabe koji su se natjecali u dobru. Rekao je Allah, azze ve dželle: *Nadmećite se da u Gospodara svoga zaslužite oprost i Džennet, prostran koliko su nebo i Zemlja prostrani, i pripremljen za one koji u Allaha i poslanike Njegove vjeruju. To je Allahova blagodati koju će dati onome kome On hoće; a u Allaha je blagodati velika.* (El-Hadid, 21)

Znajte da vrijeme teče i život prolazi. Ko se boji rano krene, a ko rano krene stigne na odredište. Uistinu, Allahova roba je skupa, a Allahova roba je Džennet. Ne može se kupiti pustim željama, plemenitim rodom, radom, djelima predaka niti mnoštvom imetka i brojnom djecom. Rekao je Uzvišeni: *Ni bogatstva vaša ni djeca vaša neće vas učiniti nama bliskim; samo one koji budu vjerovali i dobra djela činili čeka višestruka nagrada za ono što su radili, i oni će u visokim odajama biti bezbijedni.* (Sebe, 37)

Ko ne bude radio dobra djela neće mu pomoći rod i porijeklo. Džennet je za one koji vjeruju u Allaha i rade dobra djela makar bili abaesinski robovi. A Džehennem je za one koji ne vjeruju u Allaha makar bili plemenitog kurejšiskog roda. Mnogi danas nemaju poleta da rade dobra djela, a

marljivi su u sticanju dunjaluka i pribavljanja sebi svega što poželeva.

Navest ćemo kao primjer odnos ljudi prema džamijama, prisustvovanje džumama i džematima. Mnogi stanuju pored džamija ali ne ulaze u njih niti znaju šta ima u njima. Njihovi domovi su pored džamija ali njihova srca su daleko od njih. To ukazuje na slabost ili čak nepostojanje imana u njihovim srcima, jer boravak u džamijama zbog namaza i ibadeta znak je imana. Rekao je Allah, azze ve dželle: *Allahove džamije održavaju oni koji u Allaha i u onaj svijet vjeruju i koji namaz obavljaju i zekat daju i koji se nikoga osim Allaha ne boje; oni su, nadat se je, na pravom putu.* (Et-Tevbe, 18)

Rekao je Poslanik, sallallahu alejhi ve sellem: *Kada vidite osobu da dolazi u džamiju posvjedočite da ima iman!* Zatim je proučio taj ajet. Vidimo takve kako pune pijace i uzimaju svoju opskrbu, ali ne ulaze u džamije i ne sudjeluju s muslimanima u uspostavljanju vjerskih obilježja. *Njima je ovladao šejtan i učinio da zaborave na Allaha. Oni su na šejtanovoj strani, a oni na šejtanovoj strani će sigurno nastradati.* (El-Mudžadele, 19) Uskratili su sami sebi nagradu za hod prema džamiji, sevape i brisanje grijeha. Teret grijeha ostao je na njihovim leđima.

Brojni su i oni koji dolaze u džamije, ali u njima provode malo vremena i to preko volje i uz osjećaj dosade. Kada čuju ikamet žureći i rasčupane kose potpuno rasijani stanu u saf. Ne praktikuju edeb pri ulasku u džamiju i ne postupaju po Poslanikovom hadisu u kojem je rekao: *Kada čujete ikamet idite prema džamiji smireno! Što stignete klanjajte s imamom, a što propustite naklanjajte!* Zbog kašnjenja izgube nagradu ranijeg dolaska u

džamiju i iščekivanja namaza. Poslanik, sallallahu alejhi ve sellem, obavijestio je da su oni koji iščekuju namaz u džamiji poput onih koji bdiju na Allahovom putu, piše im se nagrada kao da klanjaju i meleki traže oprost za njih sve dok su u tom stanju. Danas mujezin prouči ezan i prođe dosta vremena između ezana i ikameta a džamija prazna! Tek kada se prouči ikamet nevoljko se sakupe u džemat. Kašnjenje u džemat osim što uzrokuje gubitak brojnih nagrada otvara vrata nemara prema namazu koji rezultira neklanjanjem u džematu. Imam Muslim je zabilježio u *Sahihu* hadis koji je prenio Ebu Seid el-Hudri, radijallahu anhu: *Poslanik je primjetio da neki ashabi zaostaju u džematu pa je rekao: Pomjerite se naprijed, stanite iza mene i neka iza vas stanu oni koji su iza vas! Ljudi će zaostajati pa će ih i Allah unazaditi.* To ukazuje na opasnost kašnjenja u džemat i da je kazna za takve uskraćenje Allahove milosti i velike dobrote. Dovoljno je za kašnjenje reći da je svojstvo licemjera o kojima je Allah rekao: *...Na namaz lijeno dolaze!...* (Et-Tevbe, 54) *...A kada ustaju da namaz rade to lijeno...* (En-Nisa, 142) Ubijeden sam da takvi kada bi izgubili zbog kašnjenja neku dunjalučku dobit prvi bi došli, satima bi čekali i ne bi im bilo dosadno. Razlog tome je što više vole dunjaluk od ahireta. Džamije su danas napuštene i većinu vremena zatvorene. Otvaraju se na nekoliko minuta koliko se može na brzinu obaviti namaz. Džamije su danas slabo psjećene. Onih koji dolaze u njih da bi Allaha spominjali vrlo je malo. Nema više ljudi koji Allaha slave jutrom i večerom koje kupoprodaja nije odvojila od spominjanja Allaha, namaza i zekata i koji strahuju od Dana kada će srca i pogledi biti uznemireni. Nema više onih koji u njima borave, ruku i sedždu čine. Koji provode u

njima dio noći i krajeve dana. Džamije su bile kuće ibadeta, znanja, susreta među muslimanima i polazište svega. U njima su se upoznawali i zbližavali. Iz njih su uzimali ahiretsku opskrbu, imansko svjetlo i čvrsto ubjeđenje. Srca su im bila vezana za džamije, bile su im draže od vlastitih kuća i imetaka. Nije im bilo dosadno ma koliko dugo u njima boravili. Nije im bilo mrsko dolaziti makar stanovali daleko. Nadali su se nagradi za svaki korak prema džamiji, svoje vrijeme su u boravak u njoj ulagali i nadmetali se u ranijem dolasku.

Takav je bio odnos naših prethodnika prema džamijama. Danas, kao što znate, kasni se na džemat, malo se boravi u džamijama. Ummet time gubi mnoga dobra. Džamije su izgubile ugled i uticaj na srca mnogih ljudi. To je uzrokovalo loše međuljudske odnose, mržnju, kidanje veza, tako da komšija ne poznaje komšiju niti zna kako mu je.

Allahovi robovi, bojte se Allaha! Vratite džamijama mjesto koje im pripada u vašim srcima! Dolazite ranije u njih i boravite duže u njima! Pogledajte šta je preneseno od Poslanika, sallallahu alejhi ve sellem, u vezi s odlaskom u džamiju i boravku u njoj. Rekao je Ebu Hurejre: *Rekao je Poslanik, sallallahu alejhi ve sellem: Namaz u džematu je vredniji od džemata u kući ili na pijaci dvadeset i pet puta. To je zbog toga što kada se potpuno abdesti i izađe samo zbog namaza svakim korakom bude uzdignut za stepen i bude mu oprošten jedan grijeh. Kada obavi namaz melec donose salavat na njega sve dok boravi na mjestu na kome je klanjao, govore: Allahu naš, smiluj mu se! I sve dok boravi na mjestu na kome je klanjao kao da je u namazu.* (Buhari) Zabilježio je Malik u Muvettau hadis: *Ko se lijepo abdesti zatim*

izađe da bi klanjao kao da je u namazu sve dok ide prema namazu. Jednim korakom piše mu se dobro djelo, a drugim briše jedno loše. Pa kada čujete ikamet ne trčite! A najveću nagradu za namaz imaju oni kojima su najudaljenije kuće. Rekoše: *Zbog čega, Ebu Hurejre?* Reče: *Zbog brojnih koraka.* Ebu Hurejre je prenio od Poslanika, sallallahu alejhi ve sellem, da je rekao: *Hoćete li da vam kažem zbog čega Allah briše grijehe i podiže stepene?!* Rekoše: *Naravno, Allahov Poslaniče!* Reče: *Upotpunjavanje abdesta u neprilikima, mnogo koraka prema džamijama i iščekivanje namaza iza namaza. To je bdijenje na granicama, to je bdijenje na granicama!* (Malik i Muslim)

Burejde, radijallahu anhu, je prenio od Poslanika, sallallahu alejhi ve sellem, da je rekao: *Obraduj one koji idu prema džamijama u tami potpunim svjetlom na Sudnjem danu!*

(Ebu Davud i Tirmizi) Ebu Hurejre, radijallahu anhu, je prenio da je Vjerovijesnik, sallallahu alejhi ve sellem, rekao: *Allahu najdraža mjesta su džamije, a najmrža pijace.* (Muslim)

Allah, azze ve dželle, je uzdigao položaj džamija i pohvalio one koji ih održavaju obavljajući ibadete u njima. Obećao im je obilnu nagradu. Rekao je Allah, azze ve dželle: *U džamijama koje se voljom Njegovom podižu i u kojima se spominje Njegovo ime - hvale Njega, ujutro i naveče, ljudi koje kupovina i prodaja ne ometaju da Allaha spominju i koji namaz obavljaju i zekat daju, i koji strepe od Dana u kom će srca i pogledi biti uznemireni, da bi ih Allah lijepom nagradom za njihova djela nagradio i da bi im On od dobrote Svoje i više dao. A Allah daje kome hoće, bez računa.* (En-Nur, 36-38)

Neka je salavat i selam na Poslanika, njegovu porodicu i ashabe.

**Vratite
džamijama
položaj
koji im
pripada**

